

养一斋集

卷一

一

卷一

卷一

洋洋河水亦流於邳魂兮不歸父母何依魂兮不歸良人
孔悲歸哉歸哉河有松舟

瀾瀾泮水橫經之廬粲粲髦士玉佩長裾之子之心詩禮
之華之子之心士也不如

士也輶飢冥墮行矣女也鞠凶困致命矣陰房不開日蝕
既矣箠楚不聲鬼流涕矣

宛宛蛾睂塵揚於燄濯濯鶉衣月照於淮司牧者誰流亾
弗視斷獄者誰神其視爾

吏也不知生無一飽吏也知之死而不朽吏告我 后我

后聖神將將之石樹之墓門

晚坐

薄雨散遙樹閒雲對虛牖客去埽槐花庭空坐來久羣動
紛不息一澹可以守

微雨過高郵

秋雲隨片帆湖天散疏雨十里綠蒲風孤城在何許披衣
聞曉鴉掩卷悵時序午枕夢魂清煙深數聲鷁

金陵懷古

千里長江繞建康中原形勢亞荆襄六朝池館殘煙月半
壁河山幾帝王將帥旌旗雄北漠兒孫歌舞學南唐陪京
二百年前事苑草秋風牧馬場

捐山口

午日延秋熱清風藉樹陰沿邨多破屋何處是花林

地有上花

下花林

雨少陂塘窄山多草木深莫談邨壑美須識老農心

蔣王廟

擊賊奮一死卑官足萬年六朝崇鬼號百媚褻神天廟古
隨時換山名借姓傳英風生羽衛庭竹尙森然

徐中山王墓

韓彭合鄧賈未足與公班翊運精誠動成功意氣閒餘威

開大漠此墓稱鍾山六代羣邨龍樵人晚唱還

墓禁樵采

由燕子磯至棲霞寺塗中作

高城下木葉又向古江乘崖轉自成路山迴不計層午風
香遠稻秋水靜殘菱邨景半圖畫閒吟病尙能

棲霞寺

鍾山如王侯攝山如高士千里尋舊游我來拾松子桂萼
蒲柳姿晚急攝生理一榻七年前臥病跡可指吾生采藥
外百事將已矣

舟曉

雞鳴潮欲來月落風初起行人在湖頭家山在湖尾風潮
日夜生長淮三百里

湖東悲

勸君莫住江淮閒秋來白浪高於天西望洪澤如雪山東
注甓社湖天寬甓社不受銀濤翻大吏巡視空長嘆防護
城郭輕園田上流五埧封積年新秋陸續開水門北放車
羅南昭關萬家號哭來河干以頭枕埧泣且言小吏未應
川已奔百道并下迷來源平疇一色天鏡圓昔時魚米閭
市廛今日釣徒來刺船我從江介趨淮堧片帆欲逐南雲
還卻避百丈盤渦淵揚州大艚不敢前小舟東下漁邨邊
芑稻河狹飛驚湍范公一隄堅且完水不得東仍西旋夕
陽忽開隄上煙水木明秀殘霞鮮孤邨夜泊霜滿灘湖風
倒卷星斗寒荒蘆斷葦多空筌墓田月黑誰家棺婦子聚

哭心煩冤吁嗟湖東民可憐忍死待吏施糜餽一口二百
青銅錢明年水涸家安然勸君還住江淮閒

舟過興化

滄海路將近湖天雲更秋帆邊孤塔轉水面一城浮故國

簪纓黯

明高相國穀李相國春芳皆邑人

災年粉黛愁最憐華屋客零落

少山邨

邑無葬地
匱多停野

沙家莊夜泊

昔時埽榻山房月

癸亥甲子閒館於莊
中馬氏埽月山房

還在湖橋野寺煙

料得蒼苔封舊宅更無酒伴問孤船
蹉跎客鬢尋常事孤負漁竿二十年
猶記尋詩斜日路人家盡處水如天

獨游南邨

獨游無與言，彌見造化功。
南邨小池樹，浩然來清風。
池外幾人家，埽葉桑徑通。
薄暮耕不休，喜值今年豐。
農婦抱芻薪，舉首語老翁。
明年麥將稀，桑葉新生蟲。
美哉農家語，慮壹周始終。
撫躬長大息，何以能固窮。

放生菴

流水送人影，遂至谿東寺。
薄雲晚不高，隨風爲麥氣。
半橋獨坐雨，屈指歲華易。
斜日間提壺，吾歸可以醉。

癸未年

荻莊看桃花，過曲江樓故址。

郭家墩北曲江樓牆東望谿諸老游華屋山邱百年事桃花春水一谿流

移舟過勤子齋

世味消除大似僧祇餘詩酒興堪乘舟中殘醉日初落月下漁歌吾亦能臨水人家飛竹鳥背城小艇立魚鷹偶然幽境得如許付與高齋話夜燈

茅屋初成述懷

橐筆來東澗淒涼五十年

先子於乾隆庚子歲移居車橋

莓苔荒古巷

舊宅

在郡城都憲坊

風雨泣殘編拓落今生慣清貧累葉傳草堂還似

舊第四版橋邊

去住一轉眼焚香觀太虛家原非驛舍人畧似樵漁大地
容高枕蒼天遣箸書寥寥百代後誰記此幽居

舟晚

日入潮急舟更遲城樓一角煙迷離廢寺版橋半葭莢老
漁鐙火低茅茨蟲語風生亂草渡鴉嘯月挂垂楊枝斜指
水亭默惆悵故人零落空金卮

南邨卽目

涼雲傍谿宿晚樹就煙隱詩心入飛鳥不與斜陽盡藜杖
伴僧歸漸覺鐘聲近

哭張籬東先生

總角趨家塾，臯比解拜迎。師來爲弟子，我始謁先生。

先生執經

於先子門德輿八歲受業

失母頻憐惜，驚人疊品評。寢門今一慟，四十

尙無成。

秋日入城

城市態多變，農家幽足棲。人歸微雨外，田在竹籬西。暮雀還相鬪，秋鶯不彊啼。橋頭酒肆熟，勸我貰偏提。

寄郝鏡渠

天空山古霜葉秋，老樹飄零人白頭。可憐萬鳥遠相避，尙有孤鸞來一游。落月西南挂君屋，酒榻寂寞添吾愁。遙知香燼夜高坐，滿眼古人交唱酬。

夜坐詩和東坡

余酷愛東坡西齋雨中過舒教授藤州江上夜起
對月贈邵士三詩暇卽歌之以消煩鬱冬夜錄之
一紙并爲夜坐詩埒書其後不同題不次韻亦曰
和詩志在仿倣云爾

寒星芒采正雲罅漏三五滿屋如月光殘雪在庭宇出門
塵眯目不若穩閉戶濁酒斟復斟歡笑繞兒女兒女飽遂
眠獨坐及夜午高堂收萬籟鑑花靜初吐細讀坡公詩字
字徹肺府宛然我所作誰曰坡公語坡我兩不知渾渾此
千古支枕更微吟雞聲半窗雨

卷一 齊集
與子履

殘雪不忍埽爲待空明月雪月夜相親兩美意疏豁如何
我所思片雲楚天闊
冥鴻雪中蹟偶然宦吾郡頭髮白者多詩情日清潤冷月
上人窗相思又鐙燼

雞鳴歌

萬物冥冥雄雞一聲雞聲一作天地清廓天地清兮日當
中雄雞聲聲滿空空中百鳥聾聾浪言語天以雞爲晨
昏之鐘鼓大聲中宮小聲羽聲雖宛轉力軒舉我老間之
不能舞雄雞雄雞吾負汝

甲申年

春眺

東風吹細雨春意在桃花一一漁舟小翻翻酒旆斜垂楊
閒傍水亭子是誰家幽鳥叫煙樹聲聲惜歲華

荻莊小憩

高臥荷亭花氣清午風吹上葛衣輕不知天壤有何事但
覺煙波無盡情坐外白雲千萬里夢中沙鳥兩三聲柳塘
日落休回櫂要看殘霞畫遠晴

澗東三老詠

吳翁泰瞻壽九十有四邵翁靜安壽八十有四薛

翁震峰今年九十有五讀書飲酒如少壯時予爲
三老詠志取厲俗存沒并載弗以爲嫌焉

吳翁委巷人天質曠莽蒼手闢半草亭裏裒空萬象朝炊
告屢斷嘯歌氣道上作詩不摹古意到時擊壤三閭破茅
屋淵淵金石響六十舉一兒眼見少而長九十能登山風
雪不需杖須眉旣深古議論極忠讜作鎮如夏鼎可以辟
魑魍

邵丈吾父執總角拜牀下防患慎豪髮周急則痛捨大褻
骼滿塗一一葬之野嚴冬鬻萬勺踏霜手親把破屋嗁飢
聲觸目淚雙灑閉關獨影居動念滿鰥寡鄉無儉年頽

聲到聾啞天道顯可徵孫曾湓廣廈世塗拙燕翼積金等
敗瓦

薛公業材武習靜遂聞道雖師五禽戲好古常卻埽百籍
手校讐英少愧潦草危坐及夜分九容中玉藻筋骸堅所
束焉得不壽考九十有五年抑戒爲鴻寶大易蟄龍蛇淵
穆貴含抱小子夙多疾乞言飫幽討至論毋我吝拙生幸
可保

讀壯悔堂集

瀑泉挂壁風倒涌獨坐空堂色飛動侯生提槩喝羣儒乃
有重瞳拔山勇遵巖震川不可作此才欲接文章統文章